



Concello de Betanzos
Praza de Galicia, nº 1, 15300 Betanzos, A Coruña

Teléfono: 981 770 011

betanzos.net
<https://sede.betanzos.es>
correo@betanzos.net

CONVENIO DE COLABORACIÓN ENTRE O CONCELLO DE BETANZOS E “CÁRITAS DIOCESANA DE SANTIAGO DE COMPOSTELA – CÁRITAS PARROQUIAL DE BETANZOS”, PARA O FINANCIAMENTO DAS ACTIVIDADES DO 2023

EXP.: 2023/A007/000015

REUNIDOS

Dunha parte, dona María Barral Varela, DNI núm. 79311249G, alcaldesa do Concello de Betanzos, en nome e representación do concello, en virtude das facultades que lle atribúe o artigo 21.1 b da Lei 7/1985, do 2 de abril, reguladora das bases de réxime local.

Doutra parte, don Juan Bautista Suárez Ramos, DNI núm. 33277590V, na súa calidade de director de “Cáritas Diocesana de Santiago de Compostela – Cáritas Parroquial de Betanzos”, con CIF nº R1500053B, con domicilio nesta Cidade, Rúa Alcalde Tomás Dapena nº4, en nome e representación da dita entidade.

MANIFESTAN

- I. Que o Concello de Betanzos, de acordo co previsto na Lei 38/2003, do 17 de novembro, xeral de subvencións (en diante, LXS) e na Lei 9/2007, do 13 de xuño, de subvencións de Galicia (en diante, LSG), pode conceder de forma directa, as subvencións previstas nominativamente no orzamento xeral municipal.
- II. Que ambas partes teñen plena capacidade e lexitimidade para formalizar este convenio.
- III. Que o obxectivo deste convenio é colaborar coa entidade “Cáritas Diocesana de Santiago de Compostela – Cáritas Parroquial de Betanzos”, para o mantemento dos servizos e actividades desenvoladas no ano 2023.
- IV. Que a entidade beneficiaria arriba referenciada ten como obxeto social o desenvolvemento integral das persoas que precisan de axuda material, escoita e acompañamento no desenvolvemento e proxección das súas vidas.

Sendo a actividade de Cáritas Betanzos, a seguinte:

“(…) no marco do dereito á liberdade relixiosa recoñecido no artigo 16 da nosa Constitución e desenvolto na Lei orgánica 7/1980, de 5 de xullo, de Liberdade relixiosa, a Igrexa ten organizada a súa actividade caritativa coa xente da nosa propia contorna a través de **CARITAS**, unha organización que en cada unha das dioceses ten personalidade xurídica propia, adquirida logo da inscrición dos seus estatutos no Rexistro de entidades relixiosas, órgano administrativo que dependen do Ministerio de Xustiza do Goberno de España. E xa dentro da Cáritas diocesana, en cada parroquia ten que existir unha **CÁRITAS PARROQUIAL**, coa misión encomendada de acoller ás persoas que precisan de calquera tipo de axuda, pertencen ou non a Igrexa, sexan crentes de calquera credo, agnósticas ou mesmo ateas.

Seguindo a finalidade exposta anteriormente, este é o noso caso de Betanzos, nas que as súas parroquias integradas nunha única Unidade Pastoral, dirixida actualmente polo sacerdote D. Santiago Pérez González, ten constituída dende fai moitos anos esta organización da CARITAS PARROQUIAL, cuxa sede e local de atención ás persoas participantes está sita na rúa Alcalde Tomás Dapena, n.º 4.

Nesta CÁRITAS betanceira, integrada só por persoas voluntarias, estase a desenvolver un grande labor social, caracterizado especialmente pola acollida e escoita que se fai de cada unha das persoas que se achega polo noso local, onde realizamos esta atención personalizada todos os martes do ano, dende as 17 horas en diante. En cada unha das acollidas, a persoa participante



Concello de Betanzos
Praza de Galicia, nº 1, 15300 Betanzos, A Coruña

Teléfono: 981 770 011

betanzos.net
<https://sede.betanzos.es>
correo@betanzos.net

explicanos a súa situación persoal e familiar e logo de manifestarnos as súas necesidades materiais, procuramos satisfacelas dentro das nosas posibilidades económicas, actuando sempre baixo o principio de subsidiariedade respecto da Administración, isto é, atendendo as necesidades que non foron ou non poden ser cubertas polos servizos sociais municipais ou mesmo por outras entidades non lucrativas.

Dende o punto de vista material e económico, son diversas as prestacións que realizamos a prol dos participantes que acuden a nós, podendo salientarse como máis significativas as seguintes:

1º.- En primeiro lugar, a **entrega directa de alimentos**: esta axuda é pedida pola meirande parte das persoas participantes na nosa acción caritativa, sendo financiada economicamente polas achegas das persoas socias e, asemade, polas campañas de recollida de alimentos que facemos dúas veces ao ano nos supermercados betanceiros (no mes de xuño, con motivo da celebración do “Corpus Christi” e polas festas do Nadal).

2º.- **Entrega de roupa, xoguetes, utensilios de cociña e determinados enseres**: utilizando as existencias das que dispoñemos no noso ropeiro-almacén, grazas ás doazóns de determinadas persoas.

3º.- **Proxecto “Vivenda digna e subministracións básicas”**: dentro da atención primaria integral ás persoas participantes, este é un proxecto que consume máis recursos económicos, e ao que pretendemos aplicar a subvención, que no seu caso, nos poida conceder o Excmo. Concello de Betanzos, (...)”

V. Que ante o interese coincidente, as dúas partes acordan formalizar e asinar este convenio de colaboración que se axustará ás seguintes:

CLÁUSULAS

PRIMEIRA. FUNDAMENTO LEGAL

O artigo 22.2 a) da LXS, (artigo 19.4 a) LSG) establece que poderán concederse de forma directa subvencións previstas nominativamente nos orzamentos das entidades locais, nos termos recollidos nos convenios e na normativa reguladora destas subvencións.

SEGUNDA. OBXECTO E PERÍODO DE VIXENCIA DO CONVENIO

O presente convenio ten por obxecto establecer as bases de colaboración para a concesión dunha subvención nominativa por parte do Concello de Betanzos á entidade “Cáritas Diocesana de Santiago de Compostela – Cáritas Parroquial de Betanzos ”, para o financiamento do seu funcionamento e da actividade efectuada pola entidade durante o ano 2023, sendo ésta principalmente o desenvolvemento do proxecto “vivenda digna e subministracións básicas”. Os gastos de funcionamento comprenderían tanto gastos de persoal como outros de gastos correntes, sen prexuízo doutros gastos ocasionados no desenvolvemento de distintas actividades.

“PROXECTO DE CARITAS PARROQUIAL: AXUDAS PARA ALUGUERES E SUBMINISTRACIÓNS BÁSICAS

Descrición do proxecto “Vivenda digna e subministracións básicas”.

Son moitas as persoas participantes que, no curso do presente exercicio económico 2023, se teñen achegado a CARITAS solicitándonos axuda para o pagamento de alugueres, fianzas para novos contratos,



Concello de Betanzos
Praza de Galicia, nº 1, 15300 Betanzos, A Coruña

Teléfono: 981 770 011

betanzos.net
<https://sede.betanzos.es>
correo@betanzos.net

e subministracións de enerxía eléctrica e auga potable-rede de sumidoiros e outras necesidades complementarias.

As solicitudes recibidas son analizadas tomando previamente en consideración as circunstancias socio-económicas de cada participante e, como xa se indicou anteriormente, baixo o principio de acción subsidiaria, isto é, atendendo aqueles casos que os Servizos sociais municipais non lles poden ofrecer dita cobertura, por levar menos dun ano empadroados en Betanzos, ter superado o importe máximo concedido polo Concello ou por falla de documentación xustificativa dabondo.

Tal é como vén de ser descrito, este proxecto foi aprobado pola Xunta directiva de CARITAS PARROQUIAL, na sesión que tivo lugar o pasado día 6 de xuño de 2023 (achégase certificación do acordo adoptado, expedido pola nosa secretaria).

Logo do estudo de cada expediente, as solicitudes son concedidas mediante acordo colexiado adoptado pola Xunta directiva, quedando recollido na acta correspondente."

O período de vixencia do presente convenio abrangue dende o 1 de xaneiro ata o 29 de decembro de 2023 (último día hábil do ano), referíndose a gastos correspondentes ao exercicio 2023.

TERCEIRA. CRÉDITO ORZAMENTARIO

O Concello de Betanzos comprométese a destinar a cantidade máxima de 5.500,00 euros no orzamento do ano 2023, con cargo á aplicación orzamentaria 231.482.00. A dita cantidade debe destinarse única e exclusivamente ao financiamento dos gastos que orixine a realización das actividades sinaladas no proxecto presentado pola entidade "Cáritas Diocesana de Santiago de Compostela – Cáritas Parroquial de Betanzos".

CUARTA. GASTOS SUBVENCIONABLES

Serán subvencionables os gastos derivados do desenvolvemento da antedita actividade, ata un máximo de 5.500,00 euros, realizadas dende o 1 de xaneiro ata o 29 de decembro de 2023 (último día hábil do ano).

Terá a consideración de gasto realizado o que foi efectivamente pagado con anterioridade á finalización do período de xustificación.

Establécese a compatibilidade con outras subvencións ou axudas doutras administracións ou entes públicos ou privados, que poida percibir o beneficiario. Non obstante, o importe da subvención concedida, en ningún caso, poderá ser de tal contía que, en concorrencia con subvencións ou axudas doutras administracións ou entes públicos ou privados supere o custo da actividade a desenvolver polo beneficiario.

QUINTA. DOCUMENTACIÓN

Para a plena efectividade do presente convenio, deberá achegarse a seguinte documentación:

- Acreditación da personalidade do beneficiario mediante a presentación da fotocopia cotexada do CIF da entidade.
- Acreditación da personalidade do seu representante mediante a presentación da fotocopia cotexada do DNI da persoa que vai subscribir o presente convenio.
- Memoria explicativa das actividades que se pretenden levar a cabo coa subvención, incluíndo un orzamento detallado dos gastos ocasionados polas actividades para as que se solicita a subvención e dos ingresos previstos para o seu financiamento.
- Declaración xurada de se foron solicitadas ou non outras subvencións para a mesma finalidade,



Concello de Betanzos
Praza de Galicia, nº 1, 15300 Betanzos, A Coruña

Teléfono: 981 770 011

betanzos.net
<https://sede.betanzos.es>
correo@betanzos.net

procedentes das distintas administracións públicas ou calquera dos seus organismos dependentes, entes ou sociedades, ou doutros organismos privados.

e) Declaración xurada de que a entidade está ao corrente das súas obrigas tributarias en xeral (Estado e Comunidade Autónoma), e en concreto, co Concello de Betanzos, e coa Seguridade Social, e que non é debedor por resolución de procedencia de reintegro. Non obstante, mediante a firma do presente convenio a entidade "Cáritas Diocesana de Santiago de Compostela – Cáritas Parroquial de Betanzos" autoriza ao Concello de Betanzos a realizar as comprobacións oportunas ante as citadas administracións, de estar ao corrente das obrigas tributarias e coa Seguridade Social.

f) Declaración responsable de non estar incurso a entidade en ningunha das causas que determina o art. 13.2 da LXS (art. 10.2 LSG).

g) Certificación dos datos bancarios da entidade.

No caso de que algunha da antedita documentación obrase en poder do concello, exímese da súa presentación.

En todo caso, a devandita documentación deberá constar no momento da sinatura do presente convenio.

SEXTA. OBRIGAS DO BENEFICIARIO

Son obrigas do beneficiario:

a) Levar a cabo a totalidade das actividades que se establecen na memoria presentada ao efecto da obtención desta subvención.

b) Lucir o logotipo do Concello de Betanzos e facer constar a cooperación do concello en todas as actuacións que se desenvolvan ao abeiro deste convenio.

c) A entidade "Cáritas Diocesana de Santiago de Compostela – Cáritas Parroquial de Betanzos" asume as obrigas derivadas da promoción e dinamización das actividades.

d) Cumprir coas obrigas que se establecen nas bases de execución do orzamento do 2023 do Concello de Betanzos.

SÉTIMA. XUSTIFICACIÓN E PAGAMENTO

O pagamento do importe total do convenio farase no momento no que se xustifique debidamente o cumprimento total da finalidade do presente convenio.

O pagamento da subvención efectuarase mediante o ingreso na conta bancaria sinalada para o efecto polo beneficiario.

O beneficiario deberá presentar a conta xustificativa como máximo no prazo de tres meses dende que se firme o convenio e como data límite o 29 de decembro de 2023 (último día hábil do ano).

O importe dos gastos xustificativos deberá ser, como mínimo, o importe da cantidade asignada neste convenio. En caso de non xustificar o importe total do convenio verase reducido proporcionalmente o importe a percibir.

Para a xustificación das cantidades asignadas neste convenio, deberá presentarse a seguinte documentación:

a) Memoria explicativa e detallada das actividades que se realizaron, con expresa mención dos resultados obtidos, incluíndo unha relación dos gastos ocasionados polas actividades que se realizaron e dos ingresos que se obtiveron para as ditas actividades. Acreditación gráfica do cumprimento de facer constar a colaboración do Concello de Betanzos en toda a información que se faga das actividades subvencionadas (folletos, carteis, libros, vídeos, CD's, etc).



Concello de Betanzos
Praza de Galicia, nº 1, 15300 Betanzos, A Coruña

Teléfono: 981 770 011

betanzos.net
<https://sede.betanzos.es>
correo@betanzos.net

b) Declaración xurada que acredite o cumprimento da finalidade da subvención mediante a realización das actividades para as que se concedeu a subvención.

c) Declaración xurada que acredite que non se obtivo ningunha outra subvención ou axuda para a mesma finalidade, ou, polo contrario, onde conste unha relación detallada doutras subvencións ou axudas concedidas para a mesma finalidade.

d) Orixinal ou fotocopia compulsada ou cotexada das facturas representativas dos gastos realizados. As facturas deberán cumprir os requisitos esixidos polo Real decreto 1619/2012, do 30 de novembro, polo que se aproba o regulamento polo que se regulan as obrigas de facturación.

No caso de que a realización das actividades obxecto da subvención xeren gastos de persoal, xustificaranse mediante nómina, factura ou documento equivalente (orixinais ou fotocopias cotexadas). Así como xuntar a xustificación do pagamento dos devanditos gastos.

e) Declaración xurada ou certificacións (artigo 24 Real decreto 887/2006, do 21 de xullo, polo que se aproba o regulamento da Lei 38/2003 xeral de subvencións; en diante RLXS) de que a entidade está ao corrente das súas obrigas tributarias en xeral (Estado e Comunidade Autónoma), e en concreto, co Concello de Betanzos, e coa Seguridade Social, e que non é debedor por resolución de procedencia de reintegro. No caso de que se autorice ao Concello, éste efectuará esta comprobación de oficio.

De non presentar a xustificación no prazo establecido, ou non desistir de forma motivada e por escrito no mesmo prazo, incoarase expediente de anulación do correspondente compromiso que levará a perda do dereito de cobro da subvención.

Este prazo entenderase sen prexuízo do prazo de dez días, que se concederá no caso de presentación de documentación incompleta ou defectuosa para a súa rectificación.

Mediante acordo do órgano competente acreditarase o cumprimento da finalidade, que constitúe o obxecto do presente convenio, procedéndose á aprobación da conta xustificativa presentada polo beneficiario. Todo isto, sempre e cando a documentación xustificativa fose a correcta.

OITAVA. MODIFICACIÓN

Toda alteración das condicións que se tiveran en conta para a concesión desta axuda e, en todo caso, a obtención concorrente de subvencións ou axudas outorgadas por outras administracións ou entes públicos ou privados, nacionais ou estranxeiros, poderá dar lugar á modificación da contía da axuda que se contempla neste convenio.

NOVENA. CAUSAS DE RESOLUCIÓN

Serán causas de resolución deste convenio:

- O incumprimento de calquera das cláusulas establecidas no presente convenio.
- A aplicación dos fondos outorgados no convenio para fins distintos dos que motivaron a súa concesión.
- A falta de xustificación do emprego das contías recibidas.

DÉCIMA. COMISIÓN SEGUIMIENTO

Constitúese unha comisión mixta de seguimento, control e avaliación á que serán sometidas todas as cuestións derivadas do desenvolvemento deste convenio, así como a resolución de cantas dúbidas poidan xurdir sobre do mesmo. Esta Comisión estará composta en representación do Concello de Betanzos polo/a concelleiro/a delegado/a da área (quen poderá delegar no funcionario dese área que estime oportuno), e pola outra parte o representante legal da entidade ou persoa na que delegue.

A Comisión terá as seguintes funcións:

- 1.- Facer o seguimento e control do cumprimento do convenio.



Concello de Betanzos
Praza de Galicia, nº 1, 15300 Betanzos, A Coruña

Teléfono: 981 770 011

betanzos.net
<https://sede.betanzos.es>
correo@betanzos.net

2.- Interpretar e resolver as dúbidas, que se puideran suscitar na aplicación do convenio.

UNDÉCIMA. CONTROL FINANCEIRO, REINTEGRO DA SUBVENCIÓN E SANCIÓN

Consonte ao disposto nos artigos 44 e seg. da LXS e artigos 41 e seg. da LSG, a entidade beneficiaria poderá ser escolleita pola Intervención Municipal para a realización dun control financeiro sobre a subvención pagada, co fin de acreditar a efectiva aplicación dos fondos á finalidade para a que foron concedidos, o correcto financiamento da actividade e o cumprimento de todas as demais obrigas formais e materiais que lle impón o presente convenio de colaboración.

O reintegro da subvención procede e regúlase segundo o recollido nos artigos 37 e seg. da LXS (artigos 32 a 40 da LSG) e o artigo 11 da Ordenanza xeral de subvencións do Concello de Betanzos.

Con respecto ao réxime de infraccións e sancións, éste aparece regulado no título IV da LXS e LSG. Sendo o procedemento sancionador regulado no título IV do RLXS e título VI do "Decreto 11/2009, de 8 de xaneiro, polo que se aproba o Regulamento de la Ley 9/2007, de 13 de junio, de subvencións de Galicia." Sendo reguladas no artigo 13 a 18 da Ordenanza xeral de subvencións do Concello de Betanzos, as infraccións e sancións.

DUODÉCIMA. NATUREZA

O presente convenio ten natureza administrativa, as resolucións que se adopten porán fin á vía administrativa, polo tanto, contra elas só cabe recurso ante a xurisdición contencioso-administrativa.

DÉCIMO TERCEIRA. INTERPRETACIÓN

Para a resolución de calquera dúbida ou incidencia que poida xurdir durante a execución do obxecto do convenio, aplicarase suplementoriamente a LXS, o RLXS, a LSG e as Bases de execución do orzamento do ano 2023.

E en proba da súa conformidade asinan o presente convenio.

A Alcaldesa

O representante do ente beneficiario

Asdo.: María Barral Varela

Asdo.: Juan Bautista Suárez Ramos